

奉天通志卷四十

大事四十 清

清十四 文宗

文宗咸豐元年春二月增造船礮

清實錄二月丙戌諭軍機大臣等奕興奏遵查奉天海疆情形請籌款添設船礮以資防備一摺據稱奉天洋面上年商船疊次被劫因山東捕拏嚴緊竄入北洋當卽委令水師營弁前往山東訪求緝捕之法並與山東巡撫陳慶偕往返札商講求辦理見已仿照山東章程添造開風船二隻廣艇船二隻連礮位器械並招募水勇責成金州副都統督率駕馭等語該將軍旣與陳慶偕札商籌議自應不分畛域同心協力會商妥辦惟奕

奉天通志

卷四十

大事四十 清十四 文宗

一

興所稱新添船械查照山東辦法飭令黃富興就近在廣東代爲招募製辦仍派員往粵會同駛回奉天一節是否可期濟用不至往返需時有誤事機又所稱統計經費約需銀五萬兩暫由盛京戶部庫項借用另片奏奉天海口每到商船一隻勸捐銀一兩約計十數年卽可補足一節盛京本無閒款可籌勸捐易滋流弊此項所需本省有無另款可以協濟著陳慶偕一併會議卽作正開銷亦無不可奕興原摺片均著鈔給陳慶偕閱看將此各諭令知之

三月免遼陽等處逋賦

清實錄三月壬辰免盛京遼陽錦州廣寧義鐵嶺等六府州縣積欠銀米

夏五月諭盛京將軍奕興等整頓捕務

清實錄五月丁亥朔諭軍機大臣等有人奏奉天新民廳遼陽錦州承德海城岫巖等處沿途白晝搶劫盜皆騎馬手執大刀烏槍或數人或數十人攔搶客商赴案呈報地方官反將事主扣留捕役需索費用因之被搶者輒隱忍不報間有報者或諱匿不行或改強爲竊或偪具悔狀或賠贖完結道光二十九年及三十年間岫巖恆裕店劫去銀八百兩遼陽沙河南搶劫小車六輛吉林貢差至新民屯劫銀二百兩職員夏景虞行至海城縣被劫賊至六百餘兩又錦縣永和公鐵器鋪被劫銀四千七百餘兩其盜窩則在遼陽沙河之劉爾堡接官堡筆管堡三處窩盜二百餘名盜首劉大老虎劉二老虎每日率領行劫又

奉天通志

卷四十

大事四十一 清十四 文宗

二

有海城牛莊富家莊回匪一二百名日日行劫姦污婦女等語盛京根本重地前經疊次有人奏參該處盜風日熾屢經嚴諭該將軍府尹等督飭查拏從嚴懲辦如果認真整頓何至盜案疊出肆行無忌似此捕務廢弛地方文武所司何事著奕興恆毓文俊按照原參各案及著名盜首嚴飭地方各官認真捕拏賊賊務獲按律懲辦如有諱飾不報及勒改呈詞等情一併嚴參毋稍徇隱原摺著鈔給閱看將此諭令知之

秋八月諭盛京將軍等截擊海賊

清實錄八月丙寅諭陳慶偕奏登州水師戰船被賊占駕海防吃緊盛京海口與山東洋面毗連東省旣嚴加勦捕勢必分竄各口著奕興遴委幹員帶領弁兵於該省海口要隘處所嚴密

防堵如有匪徒竄入該省洋面卽著分投截擊杜其逃竄之路
庶東洋勦捕更易得力

東華
錄同

閏八月盛京將軍奕興奏報與朝鮮官會哨稽查東邊外山場情
形

清實錄閏八月甲申朔盛京將軍奕興等奏稽查東邊外山場
與朝鮮官會哨情形得旨雖屬照例巡查亦應認真不可視爲
具文因循廢墮天下之通病慎之戒之

冬十月送宣宗聖容至盛京供奉

清實錄七月甲辰諭內閣皇考宣宗成皇帝聖容供奉盛京鳳
凰樓所有恭送日期著欽天監諏吉於九十月間敬謹舉行
又十月甲申以恭送宣宗成皇帝聖容至盛京供奉上詣東華

奉天通志

卷四十

大事四十 清十四 文宗

三

門外採棚聖容前行禮

革盛京宗室學正管長明志職

清實錄十月丙戌諭內閣奕興等奏參廢弛學務之正管長一
摺盛京宗室學正管長明志於該學教習學生等應領公費銀
兩印領積壓多日經該將軍等傳署訓飭擬定章程該員仍復
任意稽延實屬有心違誤正管長明志並所兼族長著一併革
職以示懲儆

十二月命盛京將軍奕興等勦辦科爾沁旗糾衆抗租佃民

清實錄十二月壬辰諭軍機大臣等德興奕興奏帶兵緝拏糾
衆要挾各犯親往籌辦等語科爾沁蒙古王旗佃民糾衆抗租
屢經示諭不服經該侍郎等委員派兵往拏膽敢據險恃衆施

放槍礮威嚇官兵並擬劫營搶犯實屬藐法已極現在德興奕興添派官兵會同親往督率勦辦著卽將首先糾衆抗拒各要犯迅速擒拏並將已獲各犯嚴行審訊究明滋事根由按律懲辦以儆刁頑至十六社中被脅愚民尤須分別良莠毋致玉石俱焚該侍郎等務當詳慎籌辦以副委任將此諭令知之

又二年二月乙酉諭德興奕興奏查辦蒙古王旗地酌議章程開單呈覽據呈奉天捕盜弁兵責成該管廳員認真考覈該管府尹衙門按年覈其獲犯多寡以定功過去留其滋事首犯王柏齡易發增吳保泰等所種地畝撤歸該王旗另行招佃不准扣還押荒銀兩其餘從犯暫免撤地以觀後效等語均著照所議辦理其歷任辦理不善之廳員著奉天府府尹查明據實分

奉天通志

卷四十

大事四十一 清十四 文宗

四

別參奏仍嚴定考覈章程奏明遵辦以除積習而收實效

東華錄同

定盛京三陵樹株等章程

清實錄十二月丙戌諭內閣奕興奏恭查陵山樹株酌擬章程開單呈覽另片奏三陵辦理章程均擬畫一等語朕詳加披閱如紅椿以內稽查樹株酌分界限明定賞罰查山防禦輪替更換並陵山樹株造册存案分別應存應除嚴密抽查其青椿禁地劃分界限以專責成并添設卡房酌派兵丁守護所議均屬周妥嗣後每年查驗樹株著該將軍恭詣福陵昭陵興京城守尉恭詣永陵敬謹查看仍由該將軍遴派協領等官會同該總管等監視伐除如有含混影射等弊將監視各員一併參處至永陵前煙筒山樹株並著責成興京城守尉興京廳通判常川

稽查以昭慎重該將軍務當嚴飭該管各官遵照見定章程覈實查辦毋致日久視爲具文

東華錄同

二年春二月定本科會試中額奉天三名

清實錄二月壬申禮部以會試中額請得旨滿洲取中九名蒙古取中二名漢軍取中三名奉天取中三名

夏四月禁奉天流民私出邊卡

清實錄四月乙未諭固慶奏請飭禁無票流民私出邊卡一摺吉林爲根本重地向不准無業流民私往潛住近聞各邊卡稽查疏懈難保無逃亡人戶溷跡潛蹤冀圖私墾若不嚴行禁止於旗民生計風俗均有關礙著山海關副都統盛京將軍等嚴飭各屬按照舊例於要隘地方往來行旅認真稽查概不准無

奉天通志

卷四十

大事四十一 清十四 文宗

五

票流民私往潛住毋任因循積欠致滋弊端

秋九月定本科武會試中額奉天一名

清實錄九月壬戌兵部以武會試中額請得旨滿洲蒙古取中四名漢軍取中四名奉天取中一名

冬十月召文俊回京以福濟爲奉天府尹

清實錄十月丁亥命奉天府府尹文俊來京以山東按察使福濟爲奉天府府尹

禁奉天等處漁船往朝鮮沿海各島捕魚

清實錄十月己亥諭內閣禮部奏據朝鮮國王咨稱近年以來內地船隻前往該處沿海各島捕魚每次魚船或八九十隻或數百隻船載多人並有鳥銃器械等件其船號俱是登州萊州

寧海榮城奉天江南蘇州各等處船隻未便擅行驅逐等語沿海居民越境漁採例禁綦嚴康熙五十一年曾奉諭旨朝鮮海洋漁採船曾經申飭嚴緝今尙有船至朝鮮邊界捕魚是卽海寇嗣後許該國卽行追勦如有生擒者卽速解送等因欽此聖諭煌煌中外均應恪守乃近來復有內地船隻前往該處漁採實屬有違定例著盛京將軍奉天府府尹並沿海各督撫飭屬一體嚴禁認真編查如有前項船隻越境漁採卽行照例懲辦將該管官查參議處並著該部行知該國王遵照康熙年間諭旨嚴查辦理以肅邊防而申禁令

東華錄同

十二月福濟遷以書元爲奉天府尹

清實錄十二月辛巳以奉天府府尹福濟爲河東河道總督降

奉天通志

卷四十

大事四十一 清十四 文宗

六

調刑部左侍郎書元爲奉天府府尹

舉行本年奉天軍政

清實錄十二月癸巳舉行本年軍政盛京將軍所屬卓異官五員不謹官一員才力不及官十五員年老有疾官十一員分別議敘處分如例

暫許奉天旗丁前往雙城堡謀生

清實錄十二月己亥諭內閣前據奕興奏奉天災歉地方旗丁出外謀生請變通章程辦理一摺當交戶部速議具奏茲據奏稱該旗丁實因本年金州復州田禾災歉貧苦無資暫駐雙城堡就食與平日無故前往希圖占居者情事不同等語朕思該處旗丁偶遭荒歉若將其外出謀生之路概行禁止非所以示

體恤著照該將軍等所請將原定續往雙城堡旗人照逃旗辦理章程暫予寬免仍著該將軍等轉飭該管各員挨戶查明冊報俾有稽考並著吉林將軍妥爲勸諭俟年歲豐收各歸本旗以安生業儻查有流民潛往影射卽著飭屬認真驅逐毋任別滋事端

三年春正月書元遷以恆春爲奉天府尹尋改授長臻

清實錄正月丙寅以奉天府府尹書元爲盛京刑部侍郎降調刑部尙書恆春爲奉天府府尹

又正月壬申以奉天府府尹恆春爲大理寺卿陝西按察使長臻爲奉天府府尹

二月命盛京將軍奕興採買糧石運送天津

奉天通志

卷四十

大事四十 清十四 文宗

七

清實錄二月庚子諭軍機大臣等寄諭盛京將軍奕興有人奏請籌糧石以實倉儲等語據稱奉天所屬地產糧石向來商販由口外運至瀋陽者甚夥自應招徠商賈設法收買惟經費現當支絀之時或將開採稜斤暫行停採一年卽以此項船規燒鍋津貼銀兩購買各項糧石運送天津之處著該將軍體察情形妥籌辦理將此由四百里諭令知之

盛京將軍奕興奏報科爾沁達爾漢王旗招墾情形

清史館軍機處月摺二月庚子盛京將軍奕興奏查科爾沁達爾漢王旗貝子台吉等在吉蘭呼圖克地方接受押荒銀錢招民私開牧場斜長一百三四十里寬二三十里至四五十里不等內村屯三十八處蒙古招留民佃三千一百餘戶開墾荒地

十三萬六千餘响該旗游牧荒場廣遠民戶所佔地面十不及一現在各蒙古早遷移遼河以北游牧養生已有棲止之處今蒙古以無礙開荒招民取租藉資度日民人無恆產賴種地得以養生委係兩相樂從懇照道光三年六年辦過成案將此項墾地民戶准其容留卽交昌圖通判會同該王等履勘挖立地界封堆造具戶口細冊酌量村屯遠近編立甲社稽查交租各事由該旗循照舊章妥辦下所司議

三月調盛京兵入京

清實錄三月癸丑調盛京兵八千名來京備用

按時以粵匪北竄故

又三月甲寅諭昨有旨調盛京官兵八千名諒已接奉諭旨矣朕思兵貴精不在多著奕興認真排選年力強壯技藝純熟者

奉天通志

卷四十

大事四十 清十四 文宗

八

四千名已可敷用務期星速啟程來京毋得稍有遲誤將此由五百里諭令知之

又三月壬戌命署金州副都統瑞昌統帶盛京官兵來京以盛京副都統呢雅杭阿署金州副都統

命盛京將軍奕興整頓盛京水師

清實錄三月甲子諭前經降旨令奕興挑選盛京官兵四千名來京聽候調遣朕思盛京爲根本重地額設水師兵數一萬九千餘名除調撥外其在營兵丁或應巡查邊門或應分防海口在在均關緊要著奕興認真查驗如有老弱充數及缺額不足等弊隨時嚴行整頓勤加訓練務令技藝嫻熟悉成勁旅以固根本而資操防將此由四百里諭令知之

東華錄同

定本科會試中額奉天三名

清實錄三月丙寅禮部以會試中額請得旨滿洲取中六名蒙古取中一名漢軍取中三名奉天取中三名

調盛京兵前赴淮徐一帶防勦

清實錄三月己巳諭兵部奏盛京官兵據報起程請旨遵辦一摺所有前經飭調之盛京官兵將次來京卽著署金州副都統杭州將軍瑞昌統帶前赴淮徐一帶會同慧成辦理防勦

清史列傳四十四瑞昌傳三月上命瑞昌統帶盛京官兵赴淮徐防勦

長臻遷以崇恩署奉天府尹

清實錄三月辛未以奉天府府尹長臻署河東河道總督賞哈

奉天通志

卷四十

大事四十一 清十四 文宗

九

密辦事大臣崇恩四品頂帶署奉天府府尹

盛京將軍奕興奏請內河船隻准在鐵嶺以北行運許之

清實錄三月癸酉諭戶部議覆奕興奏請將內河船隻准在鐵嶺以北行運一摺盛京重地防範宜嚴是以前議行船界址近省以渾河渡口爲斷再西以巨流河口爲斷河運船隻不准越界北駛見當籌備京倉採買糧石著該將軍卽飭地方各官諭令內河船隻准於鐵嶺以北可通河運地方販運米石卽照戶部所奏無論何項雜糧不計石數多寡酌量採買分別運津運通以期接濟京倉務卽妥議章程迅速具奏至岫巖鳳凰城等處仍責成旗民地方官嚴行稽查不准船隻偷越以重邊禁將

此諭令知之

東華錄同

夏四月調盛京兵前往江南勦賊

清實錄四月庚辰調盛京兵一千名前往江南勦賊

五月以文蔚爲奉天府尹

清實錄五月戊午以駐藏辦事大臣文蔚爲奉天府府尹

調盛京兵赴天津備用

清實錄五月癸亥調盛京步兵四千名大凌河馬二千匹命錦州副都統維祿統帶赴天津備用

又六月戊寅諭據訥爾經額奏報遵查天津地方情形請將盛京步隊兵二千名改筭臨洺關留盛京步隊兵二千名在天津彈壓著照所議

六月調盛京兵赴直隸防堵

奉天通志

卷四十

大事四十一 清十四 文宗

十

清實錄六月丙子調盛京兵四千名赴直隸防堵

秋九月命科爾沁郡王僧格林沁赴防紫荆關

清實錄九月辛亥上御乾清宮授惠親王奉命大將軍印御前大臣科爾沁郡王僧格林沁參贊大臣關防先期遣內閣學士載堪奉印奉關防陳於乾清宮案大將軍參贊大臣暨從征各官咸蟒袍補服俟於丹墀東屆時上御龍袍袞服至乾清宮入坐大將軍參贊大臣升至東階從征各官從升大學士裕誠祁寯藻奉印奉關防授大將軍參贊大臣大將軍參贊大臣祇受率從征將士行禮禮成上還養心殿

東華錄同

又諭內閣前逆賊滋擾懷慶疊經大軍攻勦潰竄山西復經勝保等飛追截擊該逆計窮東竄復由臨洺北竄正定一帶勝保

等見已統領大兵出山繞至賊前該逆不敢抗拒殘喘苟延畿疆近地豈容逆匪肆行前命培成多爾濟那木凱達洪阿等統帶旗營官兵並察哈爾官兵出京進剿必須親近重臣總統諸軍以申天討惠親王綿愉仁勇忠誠威德克濟著授爲奉命大將軍御前大臣科爾沁郡王僧格林沁公忠體國謀勇兼資著授爲參贊大臣本日朕御乾清宮親頒大將軍印參贊大臣關防並頒給銳捷刀交惠親王祇領訥庫尼素光刀交僧格林沁祇領卽日統領健銳營外火器營兩翼前鋒營八旗護軍營巡捕五營及察哈爾各官兵並哲里木卓索圖昭烏達東三盟蒙古諸王等勁旅由京前往合剿與欽差大臣勝保等前後夾擊天戈所指自可剋日蕩平王等其勦力同心嚴明賞罰迅奏膚

奉天通志

卷四十

大事四十一 清十四 文宗

十一

功以副委任

東華錄同

清史列傳

四十五

僧格林沁傳八月賊由直隸永年之臨洺關竄

正定府上授惠親王綿愉爲奉命大將軍僧格林沁爲參贊大

臣御乾清宮親頒關防並頒給訥庫尼素光刀九月赴防紫荆

關

定本科武會試中額奉天一名

清實錄九月戊午兵部以武會試中額請得旨滿洲蒙古取中

二名漢軍取中三名奉天取中一名

奕興因病賞假以書元暫署盛京將軍

清實錄九月辛酉盛京將軍因病賞假以盛京刑部侍郎書元

暫署將軍

冬十一月命盛京等處曉諭商販運米至天津售賣

清實錄十一月乙丑諭戶部奏請飭奉天浙江等省招商運米等語奉天浙江等省招商買米歷經辦有成案見在軍務未竣未便遽議採買而畿輔米穀最關緊要自應廣為招徠著盛京將軍奉天府尹兩江閩浙總督江蘇浙江巡撫查照成案出示曉諭各該米商聽其自行運米至天津售賣每船八成載米二成載貨並回空船料均准一律免稅並著直隸總督轉飭天津鎮道嚴切曉諭遇有米商到境不准胥吏需索市僧居奇以通商販而裕民食原片著鈔給閱看將此由五百里各諭令知之

東華錄同

四年春正月許奉天團練緝捕置備鳥槍

奉天通志

卷四十

大事四十一 清十四 文宗

十一

清實錄正月己酉諭內閣奕興等奏團練緝捕請置備鳥槍等語民間私藏鳥槍例禁綦嚴惟見辦團練自應置備以資防守著照所請所有奉天團練緝捕無論旗民均准其置備鳥槍並於槍上鑿字以備稽查造冊報明充為公用遇有盜匪持械逞兇拒捕者卽用鳥槍轟擊依律格殺勿論該將軍等卽嚴飭地方官明白曉諭實力稽查如有挾嫌致斃良民私藏不鑿字號鳥槍者仍照例治罪

東華錄同

二月命奉天採買糧石儲備京倉

清實錄二月辛巳諭據戶部奏京倉亟宜籌備請飭各省設法採買以資接濟一摺上年因運道梗塞曾經飭令奉天等省酌量採買是否辦有章程至今尙未覆奏京倉儲備支放攸關自

應亟爲籌畫著盛京將軍奉天府兼尹府尹直隸山東河南各督撫於各該地方無論何項糧米設法採買一二十萬石迅速運至天津交局收買各省米價均著照戶部所奏按照實在市價購買其關津米稅船鈔均著免其徵收至採買價值卽各就本省悉心籌畫動用何項銀兩准其作正開銷京倉關繫緊要此係萬不可緩之事該將軍等務須實力奉行斷不可藉詞推諉至捐輸米石均有成案可循各該省如有紳商捐輸米石著卽奏明一律辦理總期有益京倉不至虛糜經費將此由五百里各諭令知之

東華錄同

舉行咸豐三年奉天大計

清實錄二月戊子舉行咸豐三年大計奉天才力不及官二員

奉天通志

卷四十

大事四十 清十四 文宗

十三

處分如例

奕興革以英隆爲盛京將軍

清實錄二月癸巳諭柏葰善燾奏審明已革協領佐領派兵自護私宅並將軍奕興奏辯各情一摺此案已革協領塔分布因聞兵丁妄報輒調集兵勇已屬輕舉妄動又撥兵在家守護實屬假公濟私膽大專擅塔分布著卽發往新疆効力贖罪盛京將軍奕興於屬員擅調兵勇各情並不據實奏參實屬有心徇庇著革去盛京將軍以示懲儆

調黑龍江將軍英隆爲盛京將軍

又二月甲午以盛京副都統承志暫署盛京將軍

又六月丙戌盛京將軍英隆奏報到任日期得旨盛京地方緊

要所有緝捕理刑等事俱當加倍嚴肅斷不可從寬辦理毋忘命盛京將軍衙門不准設立讞局

清實錄二月癸巳諭柏葭善燾奏查明書元前奏將軍衙門設立讞局等語盛京旗民命盜案件乾隆年間屢次奏定章程均歸刑部辦理自應循照舊章恪遵勿替將軍衙門審辦案件自有專司何得添設讞局致滋流弊嗣後命盜重案及應擬軍流徒罪各犯俱仍照例歸刑部審辦其例應會同將軍審辦者由刑部主稿將軍衙門不准另立讞局添設刑具卽寄監監提各犯亦著備文咨送刑部以昭慎重而專責成

命署盛京將軍承志嚴緝各屬盜犯

清實錄二月甲午諭朕聞盛京錦縣一帶時有匪徒劫奪情事

奉天通志

卷四十

大事四十一 清十四 文宗

十四

如牛莊稅銀被劫線兒山回民戴秉權張丙等盜犯及金寶昌租銀被搶原任知州沈逢恩之子銀兩被劫各案均未緝獲要犯以致往來之人莫不持械自衛捕務廢弛深堪痛恨盛京爲根本重地理宜一律肅清豈容奸徒溷跡使行旅俱有戒心現在被劫之案層見疊出盜匪肆行無忌若不亟加整飭何以弭奸暴而安善良承志現署盛京將軍著卽會同恆毓文蔚嚴飭各屬將各案盜犯悉數緝獲按律懲辦仍諄飭旗民各界一體嚴密偵緝總期有犯必懲毋得推諉貽誤如該管文武各員仍前怠玩不知振作卽著從嚴參處毋稍姑容將此諭令知之

夏五月命盛京暫停冬圍一年

清實錄五月乙丑盛京副都統承志奏查照成案暫停冬圍摺

節經費得旨著准暫停一年隨時制宜有不得不然之勢而武備尤應隨時講求

秋閏七月盛京將軍英隆奏報牛莊金州二處海口賊船搶劫情形

清實錄閏七月己巳諭軍機大臣等英隆奏牛莊金州二處海口賊船搶劫情形一摺奉天沒溝營等處係商船雲集之區豈容賊船肆行滋擾七月初三日賊船三隻闖入沒溝營口岸膽敢向商船鋪戶徧索銀兩焚燒商船並有賊匪三人登岸兇鬧於初五日始被練勇等追逐出口何以該營汛各官毫無準備六月三十日羊頭窪口外有賊船三隻搶劫商船初三日停泊賊船既先被擊何以復敢由船登岸竟有三十餘人放火搶掠

奉天通志

卷四十

大事四十一 清十四 文宗

十五

顯係官兵退避當此逆氛未靖之時海口巡防甚關緊要著英隆等卽飭水師巡船設法勦截偵探匪船三隻蹤迹併力追及盡數擒獲斷不准以駛赴外洋藉詞支飾並嚴飭地方文武於各海口要隘實力查拏仍督率紳民團練一體防緝毋稍疏懈將此由四百里諭令知之

東華錄同

八月命盛京等處嚴防海口

清實錄八月甲子諭軍機大臣等昨據文謙奏洋船駛赴天津海口一摺已諭令桂良及該鹽政等妥籌防備總以正言拒絕爲要前據吉爾杭阿奏稱英美法三國同時由上海起碇北上此次到津之船僅有英美兩國計大船三隻小船二隻人數不過三百餘名其來意無非欲改變通商成約此事斷不能行諒

文謙等必可遵旨妥辦惟該洋人等行蹤詭譎游駛無常已經文謙等勸諭回駛或又有續來船隻聯檣北上均難保其不沿海駛突所有盛京金州及山海關各口要隘均應先事豫防以期有備卽著該將軍副都統府尹等各於所屬海口一體嚴密防範並隨時派委妥幹員弁確切偵探據實密奏但不可稍涉張皇轉致民情惶惑其山東登州海面亦諭令崇恩加意準備矣將此由六百里各密諭知之

東華錄八月甲子命盛京山東嚴防海口

冬十二月命盛京等處沿海停泊各船裝運漕糧

清實錄十二月癸卯諭邵燦奏請飭催海船裝運漕糧等語現在江浙兩省海運新漕均由劉河海口起運北上所有載運船

奉天通志

卷四十

大事四十一 清十四 文宗

十六

隻亟應寬爲雇備以免貽誤著盛京將軍直隸總督山東巡撫迅飭所屬將沿海各口停泊之上海寧波沙船蜚船並東衛各項船隻飭令剋日駕赴劉河海口以便收載新漕及早開洋北運倘該商船等居奇勒措或中道逗遛卽著查照舊章懲辦

五年春二月文蔚卒以景霖爲奉天府府尹

清實錄二月庚戌以山東鹽運使景霖爲奉天府府尹

又十一月辛酉盛京戶部侍郎兼奉天府府尹書元奏報交代府尹印信日期得旨兼尹府尹同辦地方事務時以和衷共濟爲念若各存意見則不能爲屬僚法也慎之與景霖看

夏五月命盛京水師協勦石島盜船

清實錄五月戊辰諭軍機大臣等崇恩奏盜艇復來石島一摺

據稱山東石島洋面前有盜船圖撲口岸被弁兵擊退後至四月十五日復有盜船前來高大異常經副將沙兆龍等督兵迎擊我船被賊轟毀一隻次日復有盜船一隻與前船聯幫來撲該副將等開放大礮將賊船亦轟毀一隻賊始退卻山東師船無多請飭江南協勦等語江浙海運漕船見正源源北上盜匪意存窺伺深恐去而復來自應亟籌勦辦除已飭怡良等撥兵協勦外著英隆斟酌情形如該處水師有可分撥卽著揀選高大船隻配齊火藥器械派員統帶由金口開行前赴石島洋面與山東江南各水師協力勦辦至盜艇在洋遊駛蹤迹靡定盛京濱海各口岸均應加意防範並著英隆嚴飭水師將弁於各該管洋面實力梭巡毋許稍涉鬆懈將此由五百里諭令知之

奉天通志

卷四十

大事四十 清十四 文宗

十七

東華
錄同

又六月丙午諭軍機大臣等崇恩奏盜艇蟻聚東洋請飭盛京直隸嚴防並飭兩江分撥舟師邀截一摺據稱六月初三日有南來盜艇三四十隻占踞石島口門並有火輪船二隻在外洋遊駛又據卽墨縣報稱初五日有盜艇十七隻駛入該縣金家口外香島停泊探係上海縣勦散餘匪等語本年夏間山東洋面屢有盜船闖入窺伺漕糧見在石島口門盜艇聚至數十隻之多竝有火輪船二隻恐該匪狡獪伎倆聲東擊西盛京直隸沿海一帶地方必須亟籌防勦英隆前奏飭水師營將弁於兩省接界洋面實力梭巡並令旅順守口停泊之處配齊軍火聽候調遣著卽隨時偵探嚴飭各弁認真堵勦並知照山海關副